



Bentiaraq Ottosen

UPA 2026/175-1

Atassut

27. Maj 2026

**Kulturikkut ingerlatsineq sunngiffimmilu sammisassaqaartitsineq pillugit Inatsisartut inatsisaata allannngortinneqarnissaa siunertaralugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Inatsimmi piumasaqaataasut appartinnerisigut kommunini inoqarfiit ukiut tamarmik kulturikkut ingerlatsineq sunngiffimmilu sammisassaqaartitsineq pilersaarusiortalissavaat.**

(Inatsisartunut Ilaasortaq Mimi Karlsen, Inuit Ataqaatigiit)

Atassummiit siullermik qutsavigerusupparput Inatsisartunut ilaasortaq Mimi Karlsen Inuit Ataqaatigiinneersup siunnersuutaanut pingaarutilimmut.

Kulturikkut aamma sunngiffimmi neqeroorutit inuiaqatigiinnut pingaaruteqarluinnarput, minnerunngitsumik meeqqat inuusuttullu eqqarsaatigalugit. Ataatsimoorneq, ilinniarneq, kulturikkut ineriartorneq aammalu inuunermi pitsaasumik sinaakkuteqarnissaq sunngiffimmi sammisaqarnerup aqutigalugu pilersinneqarsinnaasarput.

Naalakkersuisut akissuteqaataat atuarpara, tassani takuneqarsinnaavoq kommunit tamaasa akissuteqaqqullugit saaffigineqarsimasut, kisianni Qeqqata Kommunια kisiartaalluni akissuteqarsimasoq. Tamanna Atassummiit ajuusaarutigaarput. Soorunami kommunit tamarmik peqataasariaqaraluardata, immikkut ittumik inuiaqatigiinnut pingaarutilimmik apeqqut pineqartillugu.

Atassummiit aamma paasilluarsinnaavarput kulturikkut sunngiffimmilu neqeroorutini ineriartortitsineq ajornakusoorsinnaasartuq. Kommunit isumaginninnermut, sanaartornermut ingerlatsinermullu annertuunik aningaasartuuteqartarput. Tamanna ilaatigut kinguneqartarpoq kulturimut sunngiffimmullu tunngasut kingulliunneqalertarnerannik.

Tamanna aamma atuuppoq nipilersornermik atuarfinnut aammalu kulturikkut eqqumiitsuliornikkullu neqeroorutitut. Kommunini angisuuni illoqarfiit nunaqarfiillu amerlasuullutik assigiimmik periarfissiineq ajornakusoorsinnaasarpog, minnerunngitsumik aningaasatigut aammalu sumiiffiit akornanni ungasissutsit pissutigalugit.

Taamaattumik Atassummiit isumaqarpugut oqallinneq una pingaaruteqartoq. Kulturimut sunngiffimmullu inatsisitsinni arlalinni allassimavoq kommunit neqerooruteqarsinnaasut, kisianni



amerlanertigut pinngitsoorani pisussaaffiliisumik allassimasoqanngilaq. Taamaattumik aamma naleqquttuuvoq misissussallugu inatsit qanoq ineriartortinneqarsinnaanersoq.

Atassummiit isumaqarpugut Naalackersuisut kommunillu akornanni suleqatigiinneq oqaloqatigiinnerlu pingaaruteqartoq, taamaalilluni innuttaasut tamarmik pitsaaneruseqarumik kulturikkut sunngiffimmilu neqeroorfigineqarsinnaaqullugit. Siunnersuuteqartup eqqaasaasa saniatigut aamma nipilersornermik atuarfinnut eqqumiitsuliornermullu tunngasunik periarfissanik annertusaasoqarnissaa ilanngullugu kissaatiginarpoq misissuiffigineqaaqqullugu..

Nunarput FN-ip Meeqqat pisinnaatitaaffii pillugit isumaqatigiissutaanut ilaavoq, tassanilu ilaatigut meeqqanut kulturikkut eqqumiitsuliornikkullu peqataasinnaatitaanissaat pisortaniit qulakkeerniartussaavarput. Taamaattumik pisortat aamma periarfissiinissamut akisussaaffeqarput.

Atassummiit isumaqarpugut innuttaasut tamarmik, illoqarfinni nunaqarfinnilu, kulturikkut sunngiffimmilu sammisaqartarnissamut periarfissaqarluarnerusariaqartut. Taamaattumik Naalackersuisut allannguutissatut siunnersuutaat taparserparput, peqatigisaanillu Mimi Karlsens siunnersuutaa aammalu siunertaa pitsaasoq akuersaarlugu.